



Broj: 01.50-1- 3432/20
Datum: 05.06.2020. godine

Saopštenje za medije

Povodom neutemeljenih, neprovjerenih i netačnih navoda koji su se danas pojavili u pojedinim medijima, a vezano za donirana medicinska sredstva iz Katara, a potom i iz UAE, izjavljujem sljedeće:

Zakonom o lijekovima i medicinskim sredstvima jasno je definisano članovima 85, 86, 87, 88, i 89. da je uvoz lijekova i medicinskih sredstava humanitarnog porijekla, u nadležnosti entitetskih ministarstava zdravlja, odnosno Odjela za zdravstvo Brčko Distrikta.

Pored navedenog, Vijeće ministara Bosne i Hercegovine, na vanrednoj sjednici održanoj 18. juna 2014. godine, donijelo je

UPUTSTVO o postupanju u procedurama za uvoz lijekova i medicinskih sredstava humanitarnog karaktera za područja Bosne i Hercegovine ugrožena prirodnom ili drugom nesrećom

Član 1

(Predmet Uputstva)

(1) Ovim uputstvom bliže se uređuje postupanje Ministarstva civilnih poslova Bosne i Hercegovine (u daljem tekstu: Ministarstvo) u procedurama za uvoz humanitarne pomoći, za područja Bosne i Hercegovine ugrožena prirodnom ili drugom nesrećom, u kojoj su sadržani lijekovi i medicinska sredstva, koju pošiljalac iz inozemstva donira Bosni i Hercegovini–Ministarstvu.

(2) Ovo uputstvo se ne primjenjuje ukoliko je pošiljalac humanitarne pomoći, u kojoj su sadržani lijekovi i medicinska sredstva, u svom aktu o donaciji kao isključivog korisnika iste naveo:

a) jedan od entiteta Bosne i Hercegovine ili Brčko distrikt Bosne i Hercegovine;

b) naseljeno mjesto, općina ili grad u jednom od entiteta Bosne i Hercegovine ili Brčko distrikt Bosne i Hercegovine.

(3) U slučajevima iz prethodnog stava, ukoliko Ministarstvo, zaprimi akt o donaciji kao i prateće dokumente u kojima nije navedeno da je krajnji korisnik Bosna i Hercegovina –Ministarstvo, iste odmah, odnosno bez odlaganja prosljeđuje nadležnom organu entiteta i Brčko distrikta Bosne i Hercegovine iz oblasti zdravstva na dalje postupanje.

Iz gore navedenog Uputstva je jasno čija je nadležnost za prihvata lijekova i medicinske opreme humanitarnog karaktera, te da ALMBIH nigdje nije definisana kao institucija nadležna za izdavanje saglasnosti po predmetnom pitanju.

Ostaje otvoreno pitanje ko je do danas davao saglasnosti za lijekove i medicinska sredstva koja su u BiH u prethodnim mjesecima ušla kao predmet donacija, jer ALMBIH nije dostavljen niti jedan takav zahtjev za postupanje.

Takođe, ovim putem vas molim da u cilju istinitog obavještanja javnosti, i zaštite digniteta zaposlenih u ALMBIH, prije iznošenja ovakvih ili sličnih navoda obratite ovoj Agenciji radi dobijanja tačnih informacija.

DIREKTOR
Dr Aleksandar Zolak



Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 301
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 301
E-mail: info@almbih.gov.ba
www.almbih.gov.ba